

方庸

全

武田  
326



門中武  
號 526  
正



鑿範

萬病一毒藥皆毒也以毒攻毒是醫要  
道人身如春此為常體偏陰偏陽此其  
病狀病必害性是以謂毒乎毒也無形必  
來有形其証乃見來氣也氣變為來血  
也血變為來水也水變為其入口者飲  
食二而化為血也是以有三物為三物  
之精循環則為養停滯則為病失其常  
度或急或逆或虛或實諸患萌起各異  
其狀証緣物而生物隨証而分証者未



也物者本也。雖有見証，不令其物，何益之。有譬如望雲霓，不知晴雨也。凡論病以陰陽古之法也。是令其大體而已。藥方未可處矣。大抵病有桂枝湯，有葛根湯，有麻黃湯，一病而三方，所以有氣血水之辨也。其人頭痛發熱，汗出惡風，是氣之寢而桂枝湯証也。以其發熱，知血不凝，以其汗出，知水不滯。其血凝者，雖有汗出，不得發熱，項背強几几，葛根湯証是也。其水滯者，雖必發熱，不得汗出，身疼

喘鳴，麻黃湯証是也。如此証備，則不辨三物，雖曰某湯証而可也。或竟証出，或見一証，長沙方中無可徵証，以何論病，以何置方。此時乘類推證，以分三物，辨其主客，審其所在，知其四態，謂之規矩。何曰主客，黃連阿膠湯，瓜蒂散，建中湯，同治心中煩，而其方異者，以主客異也。黃連阿膠湯，氣主而水血為客，故但煩而已。建中湯，血主而氣為客，故悽而煩悸者，血也。劇則致衄，不得發熱，是其候

也。瓜蒂散水主而氣血為客。故滿而煩。滿者水也。氣不發散。必上衝吐水則愈。是其候也。主者先見而客者後出。是知主客之一法也。何曰所有病位也。表裏內外是也。一身頭項背腰此為表也。外體面目鼻口咽喉胸腹此為裏也。內外者出入之辭。以睛舌心骨髓為內。極位也。外也者自內而外出也。內也者自外而內陷也。對內則表裏俱外也。內外有經也。表裏者緯也。桂枝湯治一身煩。

黃連阿膠湯治心中煩。柴胡湯治胸中煩。者其氣一體而治方何異。以其所在異也。譬如虹之在東則為晴。候在西則為雨兆也。何曰四態急逆虛實是也。急者循行而進之謂也。逆者却行而退之謂也。虛者虧而不足之謂也。實者盈而有餘之謂也。心煩者物同其所在而治方何異。以其態異之故也。梔子豉湯証熱氣見於外。身熱煩熱。或頭汗出。是急而心煩也。白虎湯証熱氣伏於內。口

舌乾燥或渴其背惡寒是逆而心煩也  
酸枣仁湯表裏無熱不得眠是虛而心  
煩也兼氣湯証表裏有熱大便鞭是實  
而心煩也一煩之變如此多端萬病之  
變雖難窮極統之則不出乎三物之變  
也三物之變三極之道也以此推証何  
病不分証也者末也物也者本也不知  
其本孰能分其末學者思諸

方庸

南淮先生口授

桂枝湯

病起在表也

治氣急血窒而難發散者也其証曰惡  
寒曰頭痛以身疼痛曰煩上衝者皆主  
病而遂發熱汗出是氣急之候也雖也  
發熱汗出其為寒為痛者以血窒也煩  
者上衝者疼痛者不發熱不行出是其  
劇証也其發熱汗出者血不凝水不滯  
之証也論曰頭痛者必衄是氣逐血之

明微也。汗出而不發熱者，急迫之証也。發熱而不汗中者，外襲之証也。以其由未異，魚已異，証其所在，予物不異，故治方一也。

頭痛或有發熱而後致者，或有吧而後致者，或有身疼痛而後致者，或有煩狂而後致者，皆非桂枝之証。初起所致者，此湯主之。

身疼痛下利後所致者，此湯主之。初起所致者，非桂枝之証也。

煩身疼痛而煩，乾燥而煩，懊憹而煩，下利後之煩，皆此類。非桂枝湯之証也。無兼証，但煩者，此湯主之。

上衝或心下逆滿，或胸中痞鞅，或咳逆而所致，皆非桂枝之証。無水氣之變者，此湯主之。

脈浮弱或浮致者，示水血未凝滯也。桂枝加桂湯，表病薄於裏也。

治本方証而氣逆甚者，其証曰氣從少腹上衝心，是氣逆甚而上攻，所以加桂枝。

也曰燒針令其汗出示以燒針氣逆也  
以汗出明血不內陷也

桂枝加芍藥湯 表病陷腹血滯于裏也  
治本方証而血滯甚者其証曰時痛是  
血滯氣欲行不能行也作痛而不上衝  
者是血滯之劇証所以加芍藥也曰本  
太陽病者示其証似裏為表病也曰下  
之者明陷裏也腹滿痛者水氣主而痛  
無休時非此湯之証  
桂枝加芍藥大黃湯

治前証而血氣實者其証曰大實痛審  
其病狀病甚而無休作是實痛也當有  
或腹中牽急或硬滿或大便不通等之  
証也痛無休作氣急則痛不急則不痛  
是時痛也

桂枝加芍藥生薑人參湯

裏病也

治血氣窘迫血滯氣難暢者其証曰身  
疼痛者血滯也痛者氣難暢也曰發汗  
後者示血氣窘迫非水也表有水則不  
發行脈當浮或浮緊此脈沉遲是血滯

氣難暢也。

桂枝去芍藥湯 表病陷無水也

治氣欲外發不能發者其証曰胸滿氣欲外發不能發也曰下之後者示為表病也脈促不痛者是血不滯也凡胸滿者氣由水滯之候今此病無水氣獨滯下後變証故不加逐水藥也凡去芍藥者氣逆而水滯也加芍藥者氣急血滯是其別也

桂枝去芍藥加附子湯

前証而血氣不暢者治之其証曰微惡寒是血氣不暢也凡曰微惡寒者非外裏惡寒所謂虛寒也附子主之芍藥其別如何芍藥附子湯同証而有芍藥其別如何芍藥其中附子湯發汗變病而急之狀也此病下後變病即逆之狀也急逆之異分其治法是古之法也芍藥其中附子湯發汗後變病故者芍藥附子瀉心湯下後變病故無芍藥也以急逆異而治方不同所以加附子一也



○桂枝去芍藥加皂莢湯 表病陷胸有涎沫也

治涎沫聚胸而氣急者其証曰吐涎沫是其候也吐者氣急而所致也在腹則吐食有心下則吐水在胸則吐涎沫其所以吐者一也

○桂枝去芍藥加苓朮湯 表病陷心下有

水也 治水聚心下而血氣急者其証曰心下滿微痛小便不利者是水聚心下也曰

○頭項強痛是血氣急也曰發熱無汗者明強痛由水所致而非血氣自然也此湯本去桂今作去芍藥歷觀此証無去桂之理加朮去桂則治小便自利加桂則治不利今小便不利不可去桂也氣由水急則本為茶也

○桂枝去芍藥加芩瀉龍骨牡蠣湯 表病陷迎于心也 治血氣俱陷薄于心者其証曰以火迫

却之。示血氣陷也。曰驚狂，是血薄不心也。曰臥起不安者，煩之劇証而氣逆之候也。此湯之意，以桂枝加竜骨牡蛎湯考之。桂枝加竜骨牡蛎湯証曰弦急，曰目眩急之狀也。故有芍藥，此湯之証從表而陷者，逆之狀態，芍藥以可知其意矣。

桂枝加竜骨牡蛎湯

病在裏而上行也

治血氣急，血凝滯，氣不能循環者。其証少腹弦急，曰目眩，是血氣急也。曰眩，頭空，曰失精，是血凝滯，氣不能循環也。凡竜骨

牡蛎之証，按其腹，必有動也。有動者，按之必堅，是血凝也。

桂枝加葛根湯

表病也

治血氣急而血凝之候也。不舉，癡狂而惡寒，風者，示氣不暢而鬱滯也。凡由水作項背強者，無几几狀而必癡狂也。曰反行，出者，明非水也。

括蕪桂枝湯

表裏病也

治血凝氣欲行，不能行者也。其証曰身軀強几几，脉反沈遲者，是血凝也。曰太

改病其証備。是示氣欲行之狀也。方名不曰桂枝加栝呂湯而曰栝萸桂枝湯者。栝萸治凝血其在表者。作強其在裏者。作渴是血主而氣為容。故主用栝呂。以桂枝湯為佐。方名所以異也。

桂枝加黃芪湯 從裏迫表也

治血氣急。水氣在皮膚者。其証曰。自腰以上汗出。曰煩躁。是血氣急也。曰腰膈他痛。如有物在皮中狀。曰身疼重。是水氣在皮膚中也。曰小便不利。是示裏水。

走表。凡黃芪証。必作水狀。不見水形。若見水形。則加防已。身重有兩義。水為主者。汗不出。身不疼。麻黃主之。氣為主。有汗出身疼。黃芪主之。麻黃証逆也。黃芪証順逆之狀。是其別也。

桂枝加厚朴杏仁湯 表病陷胸也

治表水下陷而氣欲行不能行者。其証曰微喘。是表水下陷。血氣欲行不能行也。下之者。明表水下陷。非裏水上攻喘也。凡曰微者。是血氣急所致。而非外閉也。

之水也

桂姜枣州黃辛附湯

送表逆裏也

治血氣俱逆水聚心下者其証曰心下  
堅大如盤是水聚心下也若血凝而硬  
者必作水声水結而硬者不作水声是  
水血之分也其証同於枳朮湯而冠首  
有氣分二字前章舉其証有手足逆冷  
惡寒不仁等是血氣逆主而水為客也  
桂枝加附子湯 表病而及裏也  
治表邪未散津液脫有失神機狀者其

証曰惡風是表邪未散也曰小便難是  
津液脫也曰以難屈伸者失神機之狀  
也曰小便云四肢是逆裏証也此方及桂  
枝去芍藥加附子湯同加附子而芍藥  
有無自有急逆之別也

烏頭桂枝湯 裏病急而見表証也

治血氣不循有失神狀而遂迫表者其  
証曰腹中痛是血氣不循也曰逆冷手  
足不仁是失神之狀附子所至也曰身  
疼痛是血氣外行迫表桂枝所治也方

名曰烏頭桂枝湯而不曰桂枝証為客也

桂枝附子湯

表病臻裏也

治血氣雍塞氣逆不能循環有失神機之狀者其証曰身躄疼煩是血氣雍塞有氣逆之狀故主用桂枝也曰不能轉側是失神機之劇者所以為附子三枚也此方中無芍藥諸証逆而非急也其方同於去芍藥加附子湯而異者倍桂附以惡寒與疼煩有輕重也

桂枝附子去桂加於湯

表病內攻也

治前方証而血氣內攻無上逆之証水下降者其証曰大便硬是血氣內攻也曰小便自利是水下降也自利者不待藥力自通也自利比不利其病在深分無上逆之証所以去桂也若不利上逆之証仍未止則必用桂枝求不能遂其逆氣也

小建中湯

病在裏也

治血滯裏氣急上逆者其証曰急痛曰

煩是裏氣急也。曰痛曰悸是血滯也。曰  
衄曰悸而煩是上逆也。心中悸而煩者  
氣急而滯少也。其腹中痛者血滯多而  
氣急未劇也。悸衄腹中痛者血滯多氣  
急劇也。此方比桂枝加芍藥湯氣逆甚  
而急迫故倍甘草加膠飲也。

當歸建中湯 病在裏也

治前証而血凝者其証曰刺痛曰少腹  
疔急痛引腰背是血凝之証也。小建中  
湯當歸建中湯同腹中痛各有其別當

歸之証曰刺痛曰疔痛不悸不煩不致  
衄是血凝也。小建中湯血不凝但滯而  
已故氣急劇則為衄為悸有逐血之証  
無悸衄証則桂枝加芍藥湯何以別之  
當歸建中湯証雖不悸衄曰刺痛曰疔  
急痛有急狀也。

黃芪建中湯 裏病而迫表也

治小建中湯証而氣急尤劇皮膚有水  
氣者其証欠當有躄不仁或疼重自汗  
盜汗等之証也。

黃芪桂枝五物湯 自裏迫表也

治氣急血窒皮膚有水氣者其証曰身  
軀不仁是血窒也此方比桂枝加黃芪  
湯血窒而不得外發身不疼重汗不出  
雖未見水氣証不仁者非全無水故倍  
黃芪逐水氣一倍生姜發散其氣方中  
無其性者不煩不痛無氣逆之証也

黃芪桂枝苦酒湯 自裏迫表也

治血氣急有水氣者其証曰身軀重是  
有水氣也曰發熱汗出曰黃汗是血氣

急也血氣急者脈多浮而反沈者氣已

雖外發血自滯所以有芍藥也曰渴是

血氣急而裏水出外也凡苦酒者止血

氣清酒者行血氣一自反對之品也此

方比前方水氣多而身軀重故倍黃芪

發熱汗出氣已外發血亦不迫是以無

生姜大棗也黃芪証疑似於麻黃黃芪

汗出麻黃無汗如越婢湯汗出者何以

別之黃芪汗多則渴麻黃不渴是其別

桂枝其性湯 病在裏也

治氣上逆者其証曰心下悸欲得按是上逆也此悸非水何以知之由水悸者不欲按之今欲得按者按之則逆上当有止而悸自安也此方比桂枝湯汗出多而津液脫故上逆而不上衝所以無芍藥大棗也水之不滯無氣不炆之患是以無生姜也

桂枝甘草附子湯病自表起裏也

治桂枝附子湯証劇而血氣不暢倍失神機裡有水氣者其証曰骨節疼煩掣

痛不得屈伸是血氣不暢倍失神機也

曰短氣小便不利是上逆而裏有水氣

也曰汗出身微腫是裏水見表也曰惡

風不欲去衣示表病起裏表未解也自

汗出血氣不逆所以無生姜也掣痛之

証應內大棗今不內者血氣壅塞而所

致非血氣之迫也

桂枝甘草龍骨牡蛎湯病在裏也

治氣血內攻者其証曰因燒針煩躁者

煩者氣逆也躁者血陷也是內攻之証



也。竜骨牡蛎治其血，桂枝甘草逐其气。其証之不劇，气虽逆未迄心，血虽陷未致狂，惊气血均迫，故諸茶等分，僅二兩也。煩躁為血，何以知之？其病不劇，無他，可明之証，故曰燒針而示為其血也。

半夏散及湯

裏病也。

治咽中有痰飲而气上逆也。其以所在知為痰飲也。

桂枝人參湯

表裏有病。

治心下血凝气不行，表裏在熱而逐水。

者其証曰：心下痞鞅，是血凝气不行也。曰：數下之而示其逆也。曰：悞熱，曰：表裏不解，是表裏有熱也。曰：利下而不曰下利，此利非气不行而水下降者為熱，被逐而利，故曰悞熱而利，不用黃芩而所以加桂也。

人參湯

裏病而在於心下。

治血凝气不行，心下有水者，其証曰：寒多是血凝气不行也。曰：喜唾，曰：不用水是心下有水也。

茯苓甘草湯

裏病而迫心下也

治氣上逆而水聚於心下者其証曰心下悸曰汗出不渴是氣上逆而水聚於心下也

苓桂朮甘湯

裏病而在心下也

治心下水滯而氣不得外發上逆者其証曰逆滿曰支滿曰短氣是水滯氣不得外發也曰上衝胸曰目眩曰頭眩是氣上逆也茯苓甘草湯証氣上逆而動水故悸而不滿用生姜逐其氣也此方

之証水閉氣故滿而不悸不汗出加朮以逐水也

苓桂甘朮湯

裏病而在臍下也

治衝氣劇而臍下水欲上行者其証曰臍下悸是衝氣劇而水欲上行也曰發汗後而示血氣急也比茯苓甘草湯悸在臍下是其水多而衝氣不至心下故倍茯苓也雖未至心下其勢猛而將攻心故加桂枝甘草也大朮緩其氣也

苓桂朮甘湯

裏病也

治衝氣甚而水上行冒心者其証曰氣從少腹上衝胸咽曰其面翕然如醉狀是衝氣甚也曰小使難時又冒是水上行冒心也此前方証以水少上至心故減茯苓而桂枝耳艸如故也五味子逐所其冒之水也

苓其五味姜辛湯 同上

治前証而衝氣即低水氣在胸者其証曰咳胸滿是水氣在胸也加細辛乾姜逐其水氣以無上衝之狀故去桂也

苓其姜味辛夏湯 同上

治前証而心下有水者其証曰但心下有水也加半夏逐其水也

苓其姜味辛夏仁湯 同上

治前証而水氣見於表者其証曰形腫是水氣見於表也加杏仁逐其表水也

苓甘姜味辛夏仁黃湯 同上

治前証而氣上衝面熱者其証曰面熱如醉是熱氣上衝也加大黃解其熱也

茯苓杏仁甘艸湯 病在胸也

治水在胸塞气者其証曰气塞是水從  
上塞气杏仁主之曰短气者水滯而不  
得息也茯苓主之曰气塞曰短气气逆  
不暢所以有甘艸也

茯苓我鹽湯

病在裏也

治血淡滯而水气不行也血滯証脫以載在  
不利是水气不行也血滯証脫以載在  
淋瀝部考之則血滯也明矣苓求以逐  
水气我鹽以循血也

葵子茯苓湯

病在表裏也

治血气不循表裏水滯者其証曰身重  
小便不利是表裏水滯也曰洒淅惡寒  
是血气不循之候也此病不用桂枝甘  
中者血滯而裏急非由水气逆者葵子  
循血茯苓導水也

茯苓沉浮湯

病在腹也

治血气急而心下有水或吐出水津液  
內竭者其証曰吐而渴是血气急津液  
內竭也欲飲水者是水竭气熾為癸也  
此方比五苓散水滯多故倍苓求逐水

生姜甘州以逐逆气。沉浮緩血氣也。

沉浮湯 病在心下也。

治血氣急。心下有水而冒。心者其証曰。心下有支飲。是水也。曰冒者。水冒心也。求逐之。曰眩者。血氣急也。沉浮治之。

五苓散 病在裏也。

治血氣急。水外出而津液內竭。或氣急甚而臍下有上攻于心者。其証曰。發汗後。大汗出。曰發汗已。曰汗出而渴。示水外出也。曰脈浮數。白頭痛。發熱身疼痛。

是血氣急而見表候也。曰消渴。曰渴而欲飲水。曰煩燥。小便不利。是津液內竭也。曰水入則吐。曰吐涎沫。是血氣急之劇者也。曰臍下悸者。是水也。曰癰眩者。是攻心也。若邪氣外囊。不得汗出。而血氣急者。水入則吐也。若血氣急極。而臍下有水。上攻于心。則吐涎沫而癰眩也。凡沉浮症。渴則不眩。則不渴。眩者有水也。渴者無水也。由氣急之劇易也。

茵陳五苓散 同上。

治五苓散証而不汗出水滯有痰發者  
曰黃疸痰發之候也

猪苓湯 病在內也

治血氣迫於心水滯不行津液內竭者  
其証曰心煩而不得眠是血氣迫於心  
也曰下利曰咳而嘔曰小便不利雖發  
熱不汗出是水滯也曰渴而欲飲水是  
津液內竭也如此之証血氣不循而小  
便不利故能治淋瀝也白虎湯同治渴  
而欲飲水何以別之白虎湯証發伏不

暢故或惡寒或厥或遺尿也猪苓湯証  
氣急不伏或發熱或嘔或小便不利是  
其別也五苓散猪苓湯何以別之五苓  
散之証汗出或吐水水外行也猪苓証  
汗不出或下利或咳而嘔水滯不行是  
其別也

猪苓散

治水去氣急津液不竭者其証曰嘔吐  
後思水者以水去氣急也不竭者血不  
迫津液未竭故無沉澀也有猪苓而無

沃浮則思水而不渴。有沃浮而無猪苓則渴而不思水。是其別也。

八味丸 病在少腹也

治少腹血滯而氣急不循環。有小水之變者。其証曰少腹不仁。曰腰痛。是血滯也。曰少腹物急。曰煩。不得臥。是氣急不循環也。曰小便不利。曰短氣。曰倚息。水上攻也。血氣急劇。則消渴。小便反多。此方之証。病在血分。水氣不為主。故小便有利不利也。

牡蛎沃浮散 病在胸也

治血凝氣不循。腰以下有水氣者。曰大病。差後曰腰以下有水氣者。示血氣不循也。其証不其。當胸有動而渴也。

括萎瞿麥丸 病在內也

治血凝氣不急。無水變者。其証曰渴。是血凝也。不欲水者。氣不急也。小便不利。不見水形者。是淋瀝而水不行也。戴在淋瀝之部。治淋也。明矣。凡渴者。石膏沃瓜。瓜。品。根。各有其別。石膏之渴曰口燥。

渴曰身發而渴，發為主也。沉浮之渴，汗出而渴，曰吐而渴，以無水也。石膏沉浮，必欲飲水，枯呂根不用水，無發無水，變但血凝而已。主治渴者也。

麻黃湯 表病也

治表水閉氣者，其証曰身疼，曰無汗而喘，而胸滿，是表水閉氣也。發發或胸滿者，以為水氣也。脈浮緊者，亦水氣之徵也。凡由血閉者，不能發發，不為滿，脈亦不浮也。發發身疼者，初起之証，故喘而

不痛也。

發發身疼痛者，積日之証，血氣已急，故痛而不喘，而胸滿者，是其劇証，故滿而不發發也。

麻黃加朮湯 表病也

治前証而水氣及重者，其証曰煩，是水氣及重也。劇則當小便不利也。凡煩由水也，雖其初不發發，必遂發發也。

麻黃附子細辛湯 病在表裏也

治氣不行，表水溜滯，血氣外發者，其証



曰癸熨是血气外癸也。脉病雖毒在表，脉自沈也。

麻黄附子甘草湯 病在表也

治气不行表水溜滯血气不循者証欠其曰少脉病二三日無裏証者示病在表不及裏也。曰水之為病其脉沈小属少脉少脉者是气不行表水溜滯也。不癸熨身躄不痛是血气不循也。

麻黄杏仁甘草石膏湯 病在裏也。治表水去裏水未得去而熱伏者其証

曰汗出是表水去而有伏熱也。曰喘是裏水未去也。曰無大熱者非全無熱之謂。當有大熱而無大熱示伏熱也。葛根黃連黃芩湯証曰喘而汗出是血气迫也。故兼下利。此湯之証汗出而喘其始無汗者服癸汗劑汗出表水去後裏水未去而喘也。麻黄得桂枝則逐無汗之水气去桂加石膏則解汗出而未癸之熱也。

麻黄杏仁薏苡甘草湯

治表水閉血分氣急而作熱實之狀者其証曰身盡疼是表水閉血分也曰發熱日晡所劇者作熱實之狀也不云日晡所發熱而云發熱日晡所劇者是外閉之熱而示非實熱也用薏苡仁而不用桂枝者是以血氣急而作熱實之狀也

牡蛎湯 表痛也

治血氣薄於心而表裏有水者其証欠曰牡瘡者多寒之狀而是血氣薄於心

也當胸腹有動也

麻黃醇酒湯 表病也

治表有水瘰癧者曰黃疸者是表有水而瘰癧也不渴無小便之變是以無裏証也

小青竜湯 表邪及裏也

治表水不去血氣上逆動心下水者其証曰乾嘔發熱曰咳逆是表水不去氣上逆也裏証者當嘔逆今不嘔逆而咳氣逆而動心下水也心下水者

亦為本。所有之水飲也。作咳喘者。心下  
之水飲上攻也。凡咳而喘者。半夏之主  
而非杏仁之所治也。曰渴曰利噎曰吐  
涎沫曰倚息不得臥者。是血氣急。水動  
搖之証也。作其喘者。表水之未能去也。  
血氣急。所以有芍藥也。

### 大青竜湯

表病也

治表水外閉。氣急不能發。有發伏之狀  
者。其証曰身疼。曰不汗出。曰身重。是水  
外閉也。曰發熱。惡寒。曰痛。白。作有輕時。

是血氣急也。曰煩躁。是發伏之狀也。此  
方桂枝湯麻黃湯合方。而芍藥加石  
膏也。芍藥為藥。以水氣外閉也。加石膏者。  
煩躁或身重。作有輕時。以有發伏之狀  
也。

### 越婢湯

表病也

治大青竜湯証。而外不開。水氣既發。血  
氣未散者。其証曰一身悉腫者。是水氣  
既發。見水伏也。脈浮自汗出。不發熱。不  
惡寒。惡寒身不疼痛者。外閉解也。惡風

無大熱者。血氣未得散。自汗出者。是明  
異防已黃芪之水也。無其杏仁者。不喘  
身不疼。水氣已發也。無桂枝者。自汗出  
不發熱。不惡寒。以無氣逆之証也。倍大  
寒者。身汗出。以血氣急也。

越婢加朮湯

病在表裏也

治本方之証而表裏有水氣不能外發  
伏熱者其証不曰一身腫而曰面目黃  
腫曰脉沈曰小便不利是裏有水而氣  
不暢所以加朮也曰黃腫者發候見於

表也不汗出不惡風者以裏有水而不  
能外發也

越婢加半夏湯 同上

治本方証而有留飲伏熱者其証曰咳  
而咳而喘者留飲之証也脉浮大者是  
有發伏也上氣而喘不見黃腫者有留  
飲而氣不能外行所以加半夏也

葛根湯 表病也

治血上攻凝滯氣不能循表有瘀水者  
其証曰項背強几几曰口噤不得語是

血上攻凝滯之証也。曰惡風。曰氣上衝。胸曰下利是氣不循之証也。曰無汗者。表有痰水也。桂枝加葛根湯。表無痰水。故自汗出。麻黃有無。可以分別也。

葛根加半夏湯。表病迄裏也。治本方証而有留飲者。其証曰。不下利。但嘔者。是水留滯而不下利。因致此嘔。所以加半夏也。

葛根黃連黃芩湯 同上。

利遂不止。是水下降之症也。曰喘而汗出者。是血氣上攻之症也。曰脈促者。表未解也。

小柴胡湯 裏病也。

治水襲氣血氣逆而有留飲者。其症曰。胸脇滿。曰脇下滿。曰脇下鞅滿者。是水襲氣之症也。曰往來寒熱。曰腹中痛。曰脇下痞鞅。曰頸項強者。是血氣逆之症也。往來寒熱而汗不出。嘔而發熱。汗不出者。氣欲發不能發。是水襲氣也。

柴胡加桂枝湯 同上

治小柴胡湯劇証而血氣外行者其証曰發熱惡寒曰肢節煩疼是血氣外行之症也曰心下支結曰心腹卒中痛者脇下之毒已迫于心下是小柴胡湯劇症也彼曰五六日此曰六七日示其劇症也彼易也

柴胡去半夏加栝蒌湯 同上

治小柴胡湯症而無留飲血氣凝者其証曰發渴此血氣凝而無留飲之証也

柴胡姜桂湯 裏病薄于內

治水裏氣血凝薄于內者其証曰胸脇滿微結者水裏氣之症也曰小便不利渴而不嘔者血凝水竭之症也曰頭汗出往來寒熱心煩者血氣薄于心不結胸之症也異於大小柴胡者心下無留飲而血氣逆內攻劇者也此病人當胸腹有動

柴胡加竜骨牡蛎湯 同上

治水氣在胸血氣遂攻心不能循環者

其症曰胸滿小便不利是水在胸之症也

煩驚曰譫語是血氣攻心之劇者也曰不可轉側者不能循環之証也曰一身盡重者是氣不循水在表也此病人亦當有動

大柴胡湯

裏病薄于心下

治水聚心下氣急者其証曰嘔不止曰嘔吐曰心下滿是水聚心下之症也曰心下急曰往來寒熱曰頭汗出曰發熱

汗出曰心下痞嘔吐而下利曰心下滿痛是氣急之証也論其劇易心下急者易証也心下滿痛者其次也心下痞

者最劇症也

柴胡加芒消湯

裏病迫心也

治大柴胡湯証而發實者其証曰日晡所發潮熱者是熱實之症也

白虎湯

病在裏也

治血氣伏而作熱水不能行者其証曰難以轉側口不仁曰逆冷曰遺尿曰尸

曰背微惡寒者是血氣伏之症也曰謔  
語曰燥者是作也曰腹滿身重是水  
不行也魚肝水非其主病以自汗出示  
之也曰竭欲飲水曰煩渴此二症疑似  
於五苓散何以別也五苓散水酒而渴也  
此方伏甚而渴也故五苓散症發熱  
此症不發熱也五苓散必汗出而渴此  
症口乾燥或身熱而渴也五苓散脈浮  
數此方脈洪大或五苓散之証有氣急  
之狀白虎湯症有氣逆之狀是其別也

白虎加桂枝湯

治本方症而血氣外行者其症曰汗出  
曰身發是氣暢之症也曰惡寒是血滯  
不能循之症也

小柴氣湯 裏病也

治水聚于腹氣急未發寒者其証曰腹  
大滿曰噦是水聚于腹之症也曰發  
曰汗多曰小候數是氣急之症也曰大  
便溏曰下利曰脈滑而疾者是未發實  
之症也此方之症而大便艱或謔語者



非由熱實所致。以氣急水外出也。故有汗多小便數等之症也。

厚朴三物湯 裏病也

治氣滿甚未實者。此方厚朴為君藥。比

小兼氣湯症。腹滿甚而氣不外發。故無

發熱汗出小便數等之症。比大兼氣湯

未熱實。故不澹語。二便雖秋閉。不鞭無

燥屎也。

厚朴七物湯 表裏有病也

治厚朴三物湯症而有外症者。其証曰

腹滿是水氣之滿而厚朴三物湯之症

也。曰發熱脈浮數者。是外症也。曰飲食

如故者。示非內攻之發熱也。

大兼氣湯 從裏內攻也

治水滯而發實者。其証曰短氣腹滿而

喘。曰腹滿痛。曰喘胃不能臥。曰腹脹不

大便。曰胸滿。是皆水滯之症也。曰潮熱

大便微鞭。曰燥屎。曰直視。譫語。曰目中

不了了。睛不和。曰口乾咽燥。曰口噤。是

皆熱實之症也。

浮心湯 再病也

治心氣鬱滯者也其証曰心下痞是心

氣鬱滯之症也曰按之濡者非水結非

血凝示氣獨鬱滯也鬱氣劇則致吐血

衄血也

附子浮心湯

治浮心湯症而見虛狀者其証曰復惡

寒是虛狀而非外蕤惡寒也

大黃附子湯

治飲水留滯而氣外發者其証曰脇下

偏痛是飲水留滯之証也曰發狂脈緊

弦者血氣外發之証也凡附子之証而

發發者汗不出也

大黃甘遂湯 裏病也

治少腹結水血者其証曰少腹滿如敦

狀是結水血之証也凡水血俱結者按

之手不可近也曰小便難而不渴者示

為水結也小便難有水涸而致者何以

別之水涸者當渴今不渴以知為水結

也

抵當湯 內病也

治瘀血冒心者，小腹鞅滿，小便不利者，水也。小便自利，是瘀血也。曰癡狂，曰喜忘者，是血冒心也。曰大便易，其色必黑，曰消穀喜饑，是皆瘀血之証也。

下瘀血湯 裏病也

治瘀血也。其証曰：腹中痛，曰經水不利，異於抵當湯者，以病在裏，不癡狂，不喜忘，腹中痛，少腹不鞅滿，是其別也。

土瓜根散 表裏之病也

治經閉也。其証曰：經水不利，少腹滿痛，是經閉之証也。曰帶下，滯所滯之血，變為白物而下，或所滯之經水，再見也。經閉者，身體肥滿，少腹滿痛，而不鞅也。瘀血者，身軀瘦，小腹鞅滿，白物不下，經不再見，是其別也。曰陰癩腫者，血滯於陰也。

大黃牡丹湯

治血滯而為癰，外有水者，其証曰：少腹腫痞，以有水也。按之則痛，如淋者，是血

滯也。曰癸癸自汗出者為癸也。此方治鼓脹青筋出者小便快利則愈。

排仁養氣湯 內病也

治內有癸血上攻者其証曰如狂是血上攻証也。曰急結者以有癸故也。此方用胞衣不下者有治効也。

調胃養氣湯 內病也

治癸實迫于心者其証曰譫語曰莖之癸是癸實之証也。曰心煩曰爵々微煩是迫于心也。其劇者大更唐或下利。

或腹微滿或脹滿是以血氣迫于心而腹中之水不能消化也。

大黃甘中湯 同上

治癸氣不實上攻者其証曰食止即吐者以癸上攻也。大便當不通。

大黃硝石湯 裏病也

治癸在裏裏未解者其証曰黃疸癸在裏也。曰腹滿小便不利是裏未解也。曰自汗出是表也。異於茵陳湯者汗出与不出也。

橘皮大黃朴硝湯

治宿食在胸中者凡有宿食者必惡食  
在胸中則胸中心痛在腹中則腹中心  
痛劇則吐下手足厥冷也

甘中湯 裏病而在于上也

治氣逆而急迫者少尿病者氣逆之狀  
也曰咽痛者是急也

桔梗湯 同上

治血凝氣逆而急迫者其証曰咽痛曰  
肺癰振寒脉數咽寒者是血凝氣逆而

急迫之証也咽痛者甘中湯桔梗湯以

**何**何別之桔梗湯証劇則腫痛甘中湯証

雖劇不腫是其別也

排膿湯 同上

治桔梗湯証而為膿者其証闕方名可  
考諸癰之類用此方可也

為藥甘中湯 裏病也

治血滯氣急不能循者其証曰脚變急  
是其候也

為菜甘中附子湯 表病也

治血气急而气脱血滞不能循环者曰  
发汗者示血气急也曰恶寒者气脱血  
滞不能循环也

甘遂半夏汤 裏病而在心下也

治血气急而心下有留飲者其証曰自  
利此血气急之候也曰心下續堅滿者  
是留飲之証也雖半夏治留飲堅滿之  
水非甘遂不去也

甘參大棗湯 內病也

治血气逆而气迫于心者其証曰藏躁

者气逆之証也曰喜悲仍欲哭者是迫  
於心之候也

甘草粉蜜湯 同上

治血气逆而攻心者其証曰吐涎沫是  
血气逆也曰心痛者是血攻心之候也

生姜甘草湯 裏痛也

治涎沫留滯气逆而血气迫者其証曰  
咳唾者是涎沫留滯气逆也曰咽乾而  
渴者是血气迫也

甘草乾姜湯 裏病也

治血气上逆甚者其証曰眩曰咽中乾  
煩躁吐逆是逆上也曰多涎唾者气不  
循環而涎沫聚心也曰尸者气逆甚也  
曰遺尿小便數者气上逆不能下降也

四逆湯 裏病也

治血气逆而外行水下降者其証曰四  
支厥冷是气逆也曰發熱頭痛曰身軀  
疼痛是血气外行也曰下利曰下利清  
穀是水下降之証也黃芩示治下利其  
痛气鬱滯所致也故曰痞鞅曰喘曰煩

表不見狂身不疼痛是其別也

通脉四逆湯

治本方証而外行甚者此証下利則必  
清榮是气逆甚也曰手足尸而不曰冷  
曰汗出是外行甚也尸未已而冷自復  
脉欲絕是劇篤之症也

四逆加人参湯

治四逆湯証而气不循血滯者其証曰  
脉微而利者是气逆而不循也曰利上  
者气已循之証也气循則惡寒当止而

不止者，是血滯也。

茯苓四逆湯

治四逆湯証而水滯於血分者，其証曰：煩躁者，水滯於血分也。煩躁有血滯而致者，何以別之？其病不劇，則他無兼証。別之無由，故以燒針與下之別。其病理也。此方之証，劇則當有肉瞤、筋惕，或振、搖，或身重，或心下悸，或滿，小便不利等之証也。

通脈四逆加豬膽汁湯

治通脈四逆湯証而血氣迫于心者，此方証欠。當有乾嘔、心煩之証，是血氣迫于心也。

白通湯 裏病也

治氣不循而水下降者，其証曰：少尿痛、脈微者，是氣不循也。當下利者，是水下降也。此病無水血滯，故不腹痛也。

白通加豬膽汁湯

治本方証而氣迫於心者，其証曰：乾嘔、煩者，是氣逆于心也。



附子梗米湯 裏病也

治水氣逆遂外行不得循環腹中寒有

留飲者其証曰氣脹是氣外行也曰腹

中寒者不得循環也曰雷鳴胸脇逆滿者

是水氣逆也曰嘔吐者有留飲也胸脇

滿異於柴胡湯者不痞不鞭無寒熱之

變也雷鳴異於半夏浮心湯者不痞不

鞭無乾噫心煩等是其別也

附子湯 外軀病也

治血氣不循者其証曰惡寒曰手足寒

曰身軀痛不疼不發是血氣不循之症

真武湯 裏病也

治氣不循而水留滯者其証曰腹痛曰

下利曰振々欲僻地是氣不循之証也

曰小便不利曰沈重曰咳曰悸曰胸動

是水留滯之証也

大烏頭煎 裏病也

治腹中血氣不能循環者其証曰遠脘

痛曰手足不冷者是血氣不能循環之

証也

烏頭湯 裏病也

治表水滯而血氣不循者其証曰疼痛  
曰絞痛汗不出者是表水滯也曰不可  
屈伸曰拘急不得轉側曰手足反逆者  
是血氣不循之証也

薏苡附子散 裏病也

治咽中水血俱滯氣不得循者証欠胸  
痺痛當喘息咳唾是水滯而氣不行之  
証也又當胸痛是血之証也病有緩急

者血氣為主也

薏苡附子敗醬散 同上

治腹中有癰膿皮膚無津液者其証曰  
身甲錯是無津液也病名腸癰則腹中  
有膿可以知也

赤丸 裏病也

治心下有水氣而氣逆者其証曰反逆是  
氣逆之証也心下有水之証闕當有嘔而  
心下悸或滿之証也

天雄散 裏病也

治气不循而失精者証闕  
扼子豉湯裏病迫心也

治气迫于心中或外焚者其証曰心中  
懊懣是气迫于心也曰煩焚曰身焚是  
气急外焚也曰虛煩曰心下濡者是干  
气独迫而水血不凝也結胸証而心中  
懊懣者水主而气不為主也此非扼子  
証也結胸者心下鞞滿痛而身無焚也  
此湯之証頭汗出身有焚心下不鞞不  
痛是其別也

扼子甘草豉湯  
治本方之症而血气逆者其証曰少气  
是血气逆也

扼子生姜豉湯  
治本方之証而水气逆者其証曰嘔是  
水气逆也此嘔非留飲所致故不加半  
夏也

扼子乾姜湯  
治气逆迫于心而外行者其証曰微煩  
是气逆迫于心也曰身焚不去者是气

外行也。凡梔子之証，身熱則不心煩，心煩則不身熱。此微煩者，干姜之証也。

枳實梔子散湯。治本方証而胸間水結者，症劇當有胸滿之証。

梔子厚朴湯。治水氣在腹而上攻于心者，其証曰腹滿起，臥不安者，是水在腹之証也。曰心煩者，是上攻于心之証也。以未瘕熱不見黃色也。

梔子大黃散湯

治本方之証而水結瘕熱者，其証曰黃疸，曰熱痛者，是氣結瘕熱之証也。異於茵陳蒿湯者，熱痛不湯，懊懣不眩，是示為水結也。

茵陳蒿湯 裏病也

治水滯在腹而瘕熱者，其証曰小便不利，曰腹微滿，是水結之証也。曰頭眩，曰發黃，曰頭汗出，曰渴而引水漿者，是瘕熱者不發熱，不潮熱，身無熱也。

梔子蘘皮湯

外行病也

治癰發外發而無裏証者并証曰身發

黃色也。是癰發外發也。以其未解也。汗

不出黃不赤也。

大陷胸湯

裏病也

治水血俱結在胸而發實者其証曰結

胸曰短氣曰心下鞭滿而痛曰痛不可

近者是水血結在胸之証也曰潮熱曰

心中懊憹者熱實之証也結胸者外不

見熱表有熱頭汗出者是血氣外發之

狀而不結胸之証也

十棗湯

治水結在胸而血氣急者其症曰心下

痞鞭病引脇下痛曰短氣曰咳者是水

結在心下之証也曰熱之汗出者曰頭

痛曰脈弦曰胸中痛者是血氣急之証

也

瓜蒂散

治水在胸中而氣逆者其証曰胸中痞

鞭曰脈乍緊者是水在胸中也曰氣

上衝咽喉，不得息者，曰手足，丁冷，曰心中满而烦者，血气逆之証也。此病，異結胸者，不聚实也。異於十枣者，不急也。

小陷胸湯 裏病也

治疼飲在胸而气鬱滯，血不結者，曰按之則痛，脉浮滑者，是血不結之証也。以血气不結，水气不逆，知為疼飲也。

瓜呂薤白白酒湯

治疼飲停滯，血气不能行者，其証曰喘息咳唾者，是疼飲停滯之証也。曰胸背

痛者，是血气不能行之証也。結胸与胸痺，仰以别之。結胸者，血气结实，無急状。故胸背不痛，無喘息咳唾之証也。

瓜呂薤白半夏湯

治白酒湯劇病而迫于心者，其証曰不得臥，是示其劇也。曰心痛者，是迫于心之証也。

枳實薤白桂枝湯 裏病也

治胸中水閉，气逆攻心者，其証曰胸满，是水閉气之証也。曰逆搶心者，是逆气

攻心之証也。曰心中痞者，示氣獨逆而水不攻也。

桂枝積實生薑湯 裏病迫于心也

治氣逆而水迫於心者，曰諸逆者，示氣逆也。曰心懸痛者，水迫於心之証也。曰

心中痞，以此痞者，痛知非於血也。

枳實芍藥散 裏病也

治水閉氣而血氣急者，其証曰煩滿者，水閉氣之証也。曰腹痛者，血氣急之証也。

排膿散 裏病也

治下部有腫膿而水閉氣者，証欠。

枳實湯 裏病也

治水在心下而閉血氣者，其証曰心下

堅者，水閉血氣之証也。異於桂枝芍藥

黃辛附湯者，心下自初堅而無表証也。

橘皮枳實生薑湯 裏病也

治胸中水閉氣而逆者，証欠。

茯苓飲 裏病也

治心胸間有停痰而血氣急者，其証曰

有停痰宿水，虽吐水不渴，或心下满痛，是停水之証也。曰吐，曰痛，血气急也。

橘皮湯

裏病也

治水气逆而血气不循者，其証曰：乾呕噦，是水气逆之証也。曰手足反，此血气不循也。

橘皮竹茹湯

治水气逆而血气急者，其証曰：噦逆者，水气逆之証也。血气急之証，欠，此湯之証，疼飲迫，干咽喉而喘息咳唾也。

大半夏湯

治血气迫而心下有留飲者，其証曰：嘔，是有留飲也。曰吐者，血气急也。心下鞕者，血气急之劇証也。

小半夏湯

裏病也

治心下有留飲而气逆者，其証曰：嘔不渴者，有留飲也。凡有表証而嘔者，气逆之証也。非半夏之治也。小半夏湯嘔而不吐者，多病毒在心下故，食不得下也。大半夏湯必吐，病表在腹故，食得下而



後吐是其別也

半夏加茯苓湯

治本方証而水氣迫於血分者其証曰  
眩悸是水氣迫於血分之証也

生姜半夏湯 裏病也

治氣逆劇而留飲少者其証曰心中憤

然無奈者氣逆劇之証也似喘不喘

似吧不吧是留飲少故也此方生姜主

而半夏為佐小半夏湯半夏主而生薑

為佐生薑主治氣逆半夏主治留飲不

而不知也

苦酒湯 裏病也

治血氣急而咽中有痰飲者其証曰咽  
中仍生瘡曰不能語言者血氣急之証

也曰聲不出者有痰飲也

半夏厚朴湯 裏病也

治咽中有痰飲而氣不得循者其証曰  
咽中如有炙膏是有痰飲也

厚朴生薑半夏甘草人參湯 裏病也

治血氣外行腹中有留飲不能消化者

曰發汗後者示血氣外行也曰腹脹滿者氣外行留飲不消化也

半夏乾姜散 裏病也

治氣逆吐涎沫者其証曰乾嘔吐逆是氣逆之証也乾嘔而不嘔吐涎沫不吐飲食是氣逆而迫於胸所以用散也

乾姜人參半夏丸

治有留飲氣逆血氣急而吐飲食者其証曰嘔是有痰飲也曰妊娠曰嘔吐不止者是血氣急也半夏干姜散者其病

在胸故作散腹之此病在腹故作丸用之是丸散之別也

半夏瀉心湯 裏病也

治心下氣鬱滯有痰飲者其証曰心下滿曰心下痞者氣鬱滯之証也曰嘔而而腸鳴者有留飲之証也此人心下鞞則必致下利也

甘草瀉心湯

治本方証而血氣逆劇者其証曰心下痞鞞是氣逆而血氣凝也曰下利曰乾

吧心煩不得安者是血氣逆劇証也。心下鞞水與血何以別之。水也者。或滿痛。或短氣。腹中不雷鳴。血也者。腹中雷鳴。不滿痛。不短氣。是其別也。

生姜泻心湯

治本方証而血凝水氣逆劇者其証曰。心下痞鞞是血凝之証也。曰乾噫食臭。曰腹中雷鳴。曰下利。是水氣逆之劇証也。以上二方有小柴胡湯之別。小柴胡湯者。

水氣為主也。故作寒熱胸。作滿。不雷鳴。不下利也。泻心湯者。血氣為主。故心下痞鞞。水下。降也。作雷鳴。作下利。胸脇不滿。不往來寒熱。是其別也。

吳茱萸湯

自內急及外

治血氣從腹迫於上者。其証曰。食穀欲吧。曰吐利者。是血氣從腹迫之証也。曰頭痛。曰胸滿。曰煩躁。是迫於上之証也。

黃連湯

裏病也

治胸中氣鬱。血氣逆而心下有留飲者。

其証曰胸中有痞者是氣鬱而有痞也  
非外有痞示內有痞也黃連治之曰欲  
嘔吐者是有留飲也曰腹中痛是血氣  
逆也有小建中湯小柴胡湯之疑途小  
柴胡湯者嘔而不吐留飲為主小建中  
湯者不嘔不吐血氣急而無留飲也此  
湯之証欲嘔吐者血氣逆有留飲是其  
別也

乾姜黃連黃芩人參湯 內病也  
治血氣逆迫於心者其証曰食入口則

吐是血氣逆迫於心之証也曰自寒下  
者示血氣逆也

黃連阿膠湯 內病也

治心中氣鬱血滯者其証曰心中煩是  
氣鬱之証也曰不得臥者以血滯也

白頭翁湯 裏病也

治鬱滯逐水而通利者其証曰逐利下  
重是逐水而通利故雖利後益下重  
也其所通利之狀自如逐湯其輕者不  
能仰以知之欲飲水者是有痞也

白頭翁加甘草阿膠湯

治本方証而下血心中氣逆者此方當  
有下血心煩不得眠等之証

黃芩湯 裏病也

治血氣鬱滯而不下降者曰少陽者口  
苦咽乾目眩是血氣鬱滯也曰自下利  
者是氣不降之証也

黃芩加半夏生姜湯

治本方証而有留飲者其証曰嘔是有  
留飲也

六物黃芩湯

治血氣上逆有留飲而不下降者其証  
曰乾嘔是血氣上逆也曰下利是氣不  
下降也其異於黃芩加半夏生姜湯者  
乾嘔而不嘔或心下痞鞭或外發是其  
別也留飲之証闕當有嘔吐

三物黃芩湯 裏病也

治血脫氣鬱而熱者婦人在草蓐者示  
血脫也曰四肢苦煩熱者氣鬱而熱也  
煩熱者所謂虛熱非實熱故攻於四肢

則在手裏且心也。若頭痛者，邪氣外囊而所致，頭痛主而煩狂為客，故以小柴胡湯逐外囊之邪，則煩狂自治也。頭不痛煩狂者，氣獨鬱也。此方主之。

木

防已湯

裏病也

治心下血凝氣不得環，有水飲者其証

曰：心下痞堅者，血凝之証也。曰：痞者，氣

不得循也。曰：喘滿者，有水飲也。

木

防已去石膏加茯苓芫消湯裏病及內也

治本方証而熱實水迫者，此方証闕當

有狂實之証，口舌乾燥，或譫語，是其候也。水氣迫則當有短氣，或心下滿，或悸

等之証。

防已茯苓湯

裏病也

治水在皮膚，血氣不循者，其証曰：水氣

在皮膚中，身不腫而四肢先腫者，裏水

之証也。曰：四肢其動者，水在血分也。

四肢

麻黃所主治者，身先腫而四肢其病

防已黃芪湯

雖劇無其動之狀，是不迄血分也。

治气不循水滞而血气急者其証曰脉浮汗出曰頭汗出者是血气急之証也曰身重曰下重曰腫及臥者是气不循而水滯也其異於防已茯苓湯者水不迄血分故脉浮汗出也凡廣黃之水在上閉气故作熱也防已之水在下气不循而水滯故不熱也廣黃主水防已主

桂枝茯苓丸  
治少腹血凝气上逆者其証曰癥病者

亦有血凝也得漏者气不承接也当有上逆之証闕

芎歸膠艾湯

治气不循血自下降者其証曰漏下曰下血是自下降之証也

旋覆花代赭石湯

治心下血滯气不循有留飲者其証曰心下痞鞭是血滯之証也曰噫气者气不循有留飲也

赤石脂禹餘糧湯

治臍下血滯水不行者其証曰不利不  
上是水不行也。當有臍下痛之証是水  
血滯也。曰當利其小便則小便不利之  
証脫也。明矣。

桃花湯

治血滯氣不循水血自下者其証曰腹  
痛是血滯也。下利者氣不循水自下  
也。便膿血者滯血自下也。

酸枣仁湯

內病也

治血虛氣迫者其証曰虛煩不得眠是

血虛氣迫之証也。梔子豉湯同其証候  
此方者血虛氣迫也。梔子豉湯方由汗  
吐下津液脫氣迫也。

蒂薶大棗湯

裏病也

治水在胸間氣迫者其証曰喘曰胸滿  
脹是水在胸間之証曰不得臥曰迫塞  
曰不得息是氣急迫之証也。

麻子仁丸

治氣盛逐水而津液竭者其証曰小便  
數是氣盛逐水也。曰大便堅是津液竭



之症也

已椒蔞黃丸

治腹有水氣不行作發者其証曰服滿是腹有水氣不行之候也曰口舌乾燥者是作發之証也

桔梗白散

治咽中血凝結作腫膿或血氣急迫而有疼飲者其証曰振寒咽乾是血凝結之証也曰腥臭吐膿曰咳胸滿渴唾者是疼飲之証也

走馬湯

治胸腹有水氣急而攻於心者其証曰腹脹大便不通者是胸腹有水氣急也曰心痛是氣攻於心也

備急圓

丹病也

治心腹水滿氣迫者其証曰心腹脹滿是水滿也

消岩散

裏病也

治有瘀血而熱實者其証曰日晡所發發曰發黃色是熱實之証也曰惡寒小

腹滿大便必黑者是瘀血之証也

黄土湯 裏病也

治氣逐血者其証曰下血又曰吐血衄血是氣逐血之証也凡治吐血衄血之方者不能治下血治下血方者不能治吐血衄血此方有兩治之効也

當歸芍藥散

治腹中血滯氣急不循者其証曰腹中拘急是血滯氣急也當歸建中湯雖同其証有所少異當歸建中湯者自下迫

者有脚挛急或引腰痛之証此方之証自腹起而迫於胸背強痛而無挛急腰痛之証是其別也

當歸四逆湯

治四肢血滯氣逆者其証曰下寒是血滯氣逆之証也

當歸四逆加吳茱萸生姜湯

治本方証而氣逆劇者其証欠當有吐下之証

方庸大尾

天



